

Silva Semadeni – ferma en la minoritad

Emissiun «Cuntrasts» da dumengia proxima a las 17.25 da Radio e Televisiun Rumantscha

DAD ANNA SERARDA CAMPELL / RTR

■ La politica **Silva Semadeni** è in'exota. Ella fa part da pliras minoritads e s'engascha politicamain per quellas: Per il rumantsch ed il talian, per l'ambient e las regiuns da muntogna, encunter gieus olimpics e segundas abitaziuns. Ma gia sco uffant e giuvenila tutgava ella adina «tar ils auters». L'october 2019 han lieu las eleziuns federalas – lura vegn elegida ina nova squadra parlamentara che va ils proxims onns per il Grischun a Berna. Ina cussegliera naziunala che terminescha quest onn sia carriera politica è **Silva Semadeni** (ps). L'emissiu «Cuntrasts» purtretescha la politica socialdemocratica, l'accumpogna durant ina da sias davosas sessiuns e mussa quant ferma ch'ella è bullada da diversas posiziuns ed experientschas minoritaras.

Minoritad 1: Figlia illegitima

La naschientscha da **Silva Semadeni** l'onn 1952 è stada in scandal, insarge che n'astgava betg esser. Il problem: Il bab è catolic, la mamma reformada – in'istorgia nunpussaivla a Poschiavo. Els n'èn betg maridads ed il bab n'è betg pront da renconuscher l'uffant. **Silva Semadeni** nascha sco figlia illegitima. Ils onns 50 atgnamain in cas per la chasa d'uffants. Il salvament per mamma e figlia è che la tatta ed il tat a Poschiavo èn pronts da prender si la matta tar els, e ch'els la tiran si sco in'atgna figlia. Uschia regalan els ina vita nova a la mamma ed in'uffanza fortunada a **Semadeni**.

Malapaina naschida è **Silva** er stada in cas giuridic. Per survegnir almain sustegn finanziel dal bab datti dus process da paternitad. E **Silva Semadeni** e sia mamma gudognan, il bab sto pajar. A Poschiavo tut che saveva tgi ch'il bab era: in um cun influenza, pcd ed advocat. Be la matta sezza na saveva quai betg. Discurre vegniva be davosvi. **Silva Semadeni** numnava sia mamma «mami», sia tatta «mamma»



Silva Semadeni en chasa federala.

FOTO SO

Silva Semadeni

Silva Semadeni (1952) è naschida e creschida si a Poschiavo. Suentar il seminari da scolasts a Cuir e suenter ses studis d'istorgia, da scienzas da la cultura populara e da litteratura taliana ha ella lavurà sco magistra a la scola chantunala.

Fatg politica per la Partida socialdemocratica ha ella en il parlament da la citad da Cuir (1994–1996) e durant 12 onns en il cussegl naziunal a Berna (1995–1999 e 2011–2019). Ses focus politic èn la natira, l'ambient, l'energia e la cultura. Tranter auter è **Semadeni** stada presidenta da la Pro Natura (2002–2018) ed aveva uffizis tar la Pro Helvetia e tar la Cumissiun federala dal Parc naziunal.

Il film «**Silva Semadeni – ferma en la minoritad**» purtretescha la cussegliera naziunala grischuna en occasiun dad ina da sias davosas sessiuns.

tgada la scola a Poschiavo. Oz na dumonda pli nagin suenter la religiuin.

Minoritad 3:

«Cotschna» tranter «nairs»

Poschiavo era ed è fin oz ina bastiun da la Partida cristiandemocratica (pcd). Cura che **Silva Semadeni** ha fundà ensemen cun ses socis l'onn 1980 la secziun da la Partida socialdemocratica (ps) Poschiavo fascheva ella puspè part d'ina minoritad. Ina minoritad che vegniva cumbattida e ridiculizada.

Cura ch'els s'èn engaschads l'onn 1984 cunter in vitg da vacanzas cun segundas abitaziuns cun duas iniziativas hai dà ina detga «guerra civila», di **Reto Raselli**, in cumpogn da **Silva Semadeni**. Gudagnà han tutina ils giuvens sanesters – cunter tut las autoritads da la vischnanca.

Malgrà quai, far carriera politica a Poschiavo era prest impussibel per ils socialdemocrats. **Silva Semadeni** è ida sia via entaifer la ps grischuna. Cura ch'ella è vegnida elegida l'onn 1995 en il cussegl naziunal è quai capità surtut grazia a las vuschs da la ps Cuir. «Il Puschlavin elegia pli gugent in Sursilvan da la pcd ch'ina Puschlavina da la ps», di **Reto Raselli**. Er sche Poschiavo è cun **Silva Semadeni** represchentà per l'emprima giada insumma en il cussegl naziunal a Berna è e resta ella fin oz per blers quella «cotschna cun ideas verdas».



Silva Semadeni a Berna.

e ses tat «pa». Ella aveva bain dubis da questa constellaziun da famiglia nunconvenzionala. Ma pir cun 13 onns è ella vegnida a savair ch'ella è ina «figlia illegitima».

Minoritad 2:

Reformada tranter catolics

Poschiavo era ina vischnanca dividida. D'ina vart ils catolics, da tschella vart ils reformads. Blers catolics, paucs reformads. I deva ina scola per ils catolics ed in'otra scola per ils reformads. Vi dal

dialect udiv'ins da tge cuminanza ch'ins fascheva part. In cun l'auter na discurrev'ins betg. **Silva Semadeni** è creschida si en la minoranza reformada, e quai era difficil. Gia baid ha ella stuì emprender da defender in'autr'opiniun. Declarar pertge ch'ella na venereschia betg la Madonna e sa giustifitgar pertge ch'il papa na gioghia per ella nagina rolla. Quest'experientscha l'ha bullada fin oz – e sveglia ses engaschament per la cuminanza ed il «respect da la creaziun», sco **Silva Semadeni** di. Pir ils onns 70 è vegnida unifi-



Silva Semadeni sco mattatscha. «Jau era in problem.» **Silva Semadeni** è naschida sco figlia illegitima ils onns 50. A Poschiavo da quest temp in scandal.



Maletg da classa. «Uschia hai jau survegni ina ferma identitad.» **Silva Semadeni** fa part da la minoritad reformada a Poschiavo. Las scolast per ils catolics e per ils reformads èn separadas anc fin ils onns 70.

FOTOS RTR